

Եւ ի սոյն շաբաթի ի Մուտանիայ որ յեզր ծովու՝ լինէր անդ և կրակ և ոչ բազում տունս այրէր: Եւ լինէր ի քաղաքս արտաքս ի սալախանայ՝ այրէր տունս երկոց և չորից: Այլ և օճախ մի ևս ի մէջ քաղաքիս մարեցին մերձակայքն փութով, զի ընդ ցերեկս էր. յաջ և յահեակ անպակաս ի տեղիս տեղիս: Այլ և ոչ գտանիւր հաց սղիւ, զի ի տեղիս տեղիս աղքատք ոչ գտանէին, զի վերջն հնոյն էր երաշտ գնաց և ով ոք ունէին՝ պահեցին: Նորն գեռ ևս ոչ էր և ոչ գայր, և մի մի գային նաւք, վասն որոյ գրով և կարգաւ առնէին, և որք ոչն ունէին ի սկզբանց՝ սպառեալ հատաւ և սղին ոչ կարէին մերձենալ, որոյ սակի և ի փուռ գոցվաւ, և բռնաւորն անմիտ ոչ պակասացուցանէր զտրամն, զի մի ասիցէ երկիր թէ ի Հայոց զարմէ է և օգնէ ազգին, այլ ծեծէր գանէր և ոմանք փախչէին և չգիմանային, և ապա ձի տրամ արար զհացն ի մի ըստակ:

Յաւուրս լու լինէր թէ ի Պաղտատ Մուրթազան կռուեալ ընդ եէնկիչէրիս մեծամեծացն: Նա՛ և լու լինէր թէ Սէյիտն բազում յաղթութիւն առնէ ի Մաճար, զձիւանն սպանանէ և ի մեծ պարոնն յուսացեալ յառաջագէմն՝ զՐազօվցա օղլին խոցեալ ի ճակատի ի մէջ պատերազմին, և ձի հասուցեալ փախեալ յետս և ամրացեալ մեծամեծօք ի բերդն Գօլօժվար: Եւ հասին ի վերայ զօրքն Տաճկաց, զառ և զաւար առին զբանակին Մաճարաց և ընդ թաթար խանին կոխան առին ժե աւուր ճանապարհ զվանս և զեկեղեցիս, զգիւղս և զգիւղաքաղաքս քանդեցին, կործանեց[ին:] Եւ ուր ամրոցք էին մեծամեծ՝ բերդացիք ի ներքս մաճարի միաբանեալ՝ զկեսառ Բազօվցա որդոյն զՔիմիանուչ եղին գռալ իւրեանց: Իսկ ի միւսում ամին յորժամ գնաց Ալի փաշայ, եմուտ թա-